

# MANUAL DO USUARIO

*ad usum discipulorum*

## CAP.I: IMPERIVM ROMANVM



Initium ▾ Grammatica ▾ Vocabularium ▾ Intellegimus ▾ Nexus ▾




## 1. - INTRODUCCIÓN:

“Capitulum I: Imperium Romanum” é unha recurso web pensado e deseñado para servirche de apoio no estudo latín, especialmente se estás a utilizar o manual *Lingua Latina Per Se Illustrata. Pars I: Familia Romana* que, como verás, garda grandes parecidos cos contidos desta ferramenta.

### 1.- O MENÚ PRINCIPAL:

Na zona superior da pantalla atópase o menú principal dende o que se pode acceder a todos os contidos. Está pensado para un uso sinxelo, directo e intuitivo. Olla para esta ilustración:



## 2.- GRAMMATICA

### 2.1 Explicatio grammaticalis

Neste apartado verás os contidos gramaticais do capítulo. Desliza o cursor pola barra de menú para ir pasando por cada páxina (non fai falta facer clic co rato!!).

### 2.2 Exercitia


Máis detalles no punto 5 deste manual.

### 3.- VOCABVLARIVM

#### 3.1 Imagines loquuntur

Trátase dunha galería de imaxes con ilustracións das novas palabras acompañadas de breves oracións contextuais, para que poidas memorizalas mellor.

Vocabula capituli primi




#### 3.2 Exercitia

Máis detalles no punto 5 deste manual.

### 4.- INTELLEGIMVS

#### 4.1 Lectiones

As *lectiones* ou lecturas son uns breves textos que deberás ler e comprender, para logo responder aos exercicios de comprobación. Non necesitan moita explicación excepto, talvez, a lectura en versión animada.



Para iniciar ou reiniciar de principio a animación, pincha na **bandeira verde**.



Para parar animación pincha, sobre o **sinal vermello**.



Para ampliar a toda a pantalla , o que é moi recomendábel, pincha sobre o **rectángulo azul**.



Para iniciar o modo manual ou *gradatim* (“paso a paso”), pincha sobre as frechas. Dereita para avanzar, esquerda para retroceder na lectura. Tamén funciona premendo as frechas esquerda e dereita do teu teclado.



Para regresar á visualización automática desde a liña actual preme no botón **Visio Automata**, que só aparece cando está activada a lectura manual.

## 4.2 Exercitia

Máis detalles no punto 5 deste manual.

## 5. EXERCITIA

A explicación gramatical vai acompañada polos seus correspondentes exercicios. Aínda que moi semellantes os dous grupos de actividades que aquí ves están enfocados respectivamente ao número nominal e ao verbo SVM.

O vocabulario e as *lectiones* tamén contan con cadanseu paquete de actividades.

En todos os exercicios deberás premer o **botón do interrogante**




para comprobar se a túa resposta é correcta. Dependendo do exercicio terás que responder e premer unha única vez o botón, ou ben resolver unha parte da actividade e logo premer o botón para comprobar cada resposta.

Unha vez que remates unha actividade con éxito, a aplicación pasará automaticamente ao seguinte exercicio. En todo caso podes navegar a través das actividades sen ter que as completar premendo nas frechas na parte inferior da pantalla.

As actividades que podes realizar son de resolución bastante intuitiva e non necesitan, en xeral, de explicación. De todas formas, velaquí algunhas aclaracións sobre como facer determinados exercicios:

### 5.1 Exercicio de unir arrastrando:

Trátase de premer nun elemento dunha columna e, mantendo o botón premido, crear unha liña até un elemento da outra columna. Na parte superior aparece un modelo de como se deben crear as relacións.



### 5.2 Exercicio de ordenar frases:

As frases deben ordenarse arrastrando os elementos. Cando decidas que a frase está correctamente ordenada, preme o **botón do interrogante** para comprobar a resposta. Así con cada frase.






### 5.3 Exercicio de combinar frases con frases:

Esta actividade consiste en seleccionar un elemento do bloque esquerdo e combinalo cun outro elemento do bloque dereito. Isto conséguese premendo nas frechas *arriba* e *abaixo*. Cando penses que tes unha combinación correcta, preme no botón do interrogante para comprobar. Así sucesivamente até completar todas as parellas.




### 5.4 Exercicio de corrigir os erros:

Simplemente selecciona unha das palabra encerrada nun cadriño e corríxea. Logo preme o botón do interrogante para comprobar se atinaches.



### 5.5 Completar un esquema:

Este exercicio consiste en arrastrar os elementos da parte inferior da actividade e unilo cun elemento da parte superior até crear un esquema. Como axuda terás un modelo a seguir na parte superior da pantalla.



### 5.6 Encrucillado:

No encrucillado hai palabras horizontais e verticais. Para trocar entre cada grupo de palabras hai que premer no botón **a/b**, como se ve na foto. Logo hai que premer nun dos cadríños do encrucillado e comprobar a definición, que consiste nunha imaxe e unha frase de axuda.

